

CUSSEGL GROND

Sessiun da zercladur 2022

Incumbensa da la fracziun da la PPS concernent in termin da carenza ed ina pensiun per anteriurs cussegliers guvernativs (emprim sutsegnader Gort)

Ils 24 d'october 2018 ha il deputà Horrer inoltrà la dumonda per introducir in termin da carenza per cussegliers guvernativs partents. Ils 12 da favrer 2019 è questa incumbensa parlamentara vegnida discutada en il Cussegl grond e deplorablmain vegnida refusada cun 71:45 vuschs. Malgrà questa refusa da la maioritad speravan ils aderents che la debatta haja sensibilisà in zic la Regenza. Ma i sa mussa ch'ils cussegliers guvernativs partents n'han danovamain nagina sensibilitad.

Tenor l'art. 8 LSPR survegnan las cusseglieras guvernativas ed ils cussegliers guvernativs partents ina pensiun. Grazia a questa pensiun duain las cusseglieras guvernativas ed ils cussegliers guvernativs reger ed agir independentamain fin a la fin da lur uffizi e pli ditg. Cun entrar immediatamain en in cussegl d'administraziun e.u.v. è la schanza gronda ch'i pon resultar conflicts d'interess – u che mo gia l'impressiun correspondentia vegn svegliada. Quai na gida betg a rinforzar la fidanza necessaria en la politica. Pensiuns pon vegnir suttamessas ad ina discussiun critica, la fracziun da la PPS è dentant persuadida che pensiuns èn il dretg instrument gist per garantir l'indipendenza da las cusseglieras guvernativas e dals cussegliers guvernativs per in tschert temp.

La fracziun da la PPS incumbensescha perquai la Regenza da stgaffir las basas legalas per in termin da carenza, per che las commembras ed ils commembers da la Regenza na possian – suenter ch'ellas ed els sortan da lur uffizi – betg surpigliar mandats en interpresas, en manaschis ed en instituziuns che adempleschan almain in dals suandants criteris:

- dal tuttafatg u per part en possess dal chantun;
- survegnan in stretg connex cun secturs dal chantun;
- survegnan u adempleschan incumbensas impurtantas dal chantun.

Cuira, ils 16 da zercladur 2022

Gort, Koch, Grass, Bär, Brandenburger, Della Cà, Dürler, Favre Accola, Hefti, Hug, Roner, Salis, Weber